

Noch ens Kind sin

Musik & Text Björn Heuser / Verlag: HEUSERMUSIK, GMO Publishing

Nur noch einmol mem Papp e Bäumche kaufe jonn,
nur noch einmol ganz opjerääch öm vier Uhr morjens opstonn,
nur noch einmol spingkse durch et Schlüsselloch,
en et Wohnzimmer eren – oh, wat jöv ich dröm?

**Oh du schöne Weihnachtszick,
ich setz am Finster un drieh die Uhr zoröck.
All die Momente, all die Bilder, stecke ganz deef en mir drin,
Hellichovend, do kann ich noch ens Kind sin!**

Ming Auge leuchte – wenn ich nur dran denk,
wie de Wunderkääze brannte, als et Jlöckche endlich erklingk.
Wie stolz der Papp wor, wenn der Klein sich hätt jefreut,
un de Mamm vör Jlöck – heimlich en der Köch – e Trönche hät verdröck...

**Oh du schöne Weihnachtszick,
ich setz am Finster un drieh die Uhr zoröck.
All die Momente, all die Bilder, stecke ganz deef en mir drin,
Hellichovend, do kann ich noch ens Kind sin!**

Un hück es alles anders, Papp un Mamm die sin nit mieh,
un jrad op Hellichovend do deiht dat furchbar wieh.
Doch wenn ich dann minge Klein sinn, wie hä strahlt, wenn et Jlöckche klingk,
un ich heimlich en Tron verdröcke, dann weiß ich: Alles hätt ne Sinn!

**Oh du schöne Weihnachtszick,
ich setz am Finster un drieh die Uhr zoröck.
All die Momente, all die Bilder, stecke ganz deef en mir drin,
Hellichovend, do kann ich noch ens Kind sin!**